

伯虎外編小序



伯虎集既成有客過而問曰子  
之集唐生文備矣乃其殘膏賸  
馥風流輝映至今騷人墨士  
爲美談忍令湮沒弗傳可乎予  
對曰伯庸小詞率多浮薄傷雅



且不足供覆瓿奈何灾木邪客  
曰否不然也今世所行稗官野  
史俚歌襍劇寧盡符于道者然  
皆相傳不廢况伯扇亦嘗領袖  
東南才名藉甚不番軼軻落魄  
其胸中硯礪鬱勃之氣無繇自

洩假諸風雲月露以洩之雖語  
涉不經亦以自攄其才情之所  
至而已若以其爲大雅臯人則  
無論今世稗官野史俚歌襍劇  
一切可廢即如齊諧志怪博物  
炫奇桑中誨姪秘辛啓蕩呂迨



高唐神女引柔曼之端子虛上  
林決麥靡之竇莫不妙聘才情  
發皇藻繪將盡付諸祖龍烈燄  
而後足以飽侏儒之一快乎天  
下安得有才子有文章哉又况  
乎勸百風一有進于此者乎予

因是芻蕘逸豔併輯其志銘暨  
諸名公贈答釐爲若干卷題曰  
外編附刻卷末以貽同好於戲  
千載而下知吾吳有風流跌宕  
如唐先生伯庸其人者其以是  
編也夫



伯虎外編  
卷之一  
萬曆丁未佛誕日吳趨何大成  
題于妙香閣



伯虎外編小序

數

唐伯虎先生外編卷之一

吳郡何大成君立甫輯

○一集伯虎逸篇

詩

題畫贈趙一蓬

煙水孤蓬足寄居日長能辦一餐魚問渠勾當平生  
事不弄綸竿就讀書

過闕寧無宿旅邸館人懸畫菊愀然有感因

題絕句



黃花無主爲誰容冷落疎籬曲徑中儘把金錢買脂粉一生顏色付西風

題寒雀爭梅圖

頭如蒜顆眼如柎雄逐雌飛向葦蕭莫趁塘螂失巢穴有人拈彈不相饒

題敗荷春令圖

飛喚行搖類急難埜田寒露欲成團莫言四海皆兄弟骨肉而今冷眼看

題王母贈壽

蓬萊弱水三千里王母蟠桃一萬季鳳鳥自歌鸞自舞直教啣到壽樽前

又題

西風鸞背綵旂搖王母乘龜下九霄欲與阿嬭增壽考自斟淥醕溢銀瓢

高四二日

重門晝掩黃金鎖春殿經年歇歌舞花開花落悄無人強把新詩教鸚鵡

漫興 十首



十載鉛華夢一場都將心事付滄浪內園歌舞黃金  
盡南國飄零白髮長滿榻亂書塵漠漠數聲羌笛月  
蒼蒼不才贏得瘦堪把病對緋桃檢藥方

其二

此生甘分老吳閫萬卷圖書一艸堂龍虎榜中題姓  
氏笙歌隊裏賣文章跣趺說法蒲團軟鞋韞尋芳杏  
酪香只此便爲吾事了孔明何必起南陽

其三

一身憔悴挂衣衿半壁藤蘿覆釜鬻已息心機成落

託任教世態有升沈平康驢背馱殘醉穀雨花壇費  
朗吟老向酒杯棋局畔此生何望不甘心

其四

偃偃暗數少時年陳跡關心自可憐杜曲梨花盃上  
雪灞陵芳艸夢中煙苒程兩袖黃金淚公案三生白  
骨禪老後思量應不悔衲衣乞食院門前

其五

驅馳南北罨頭塵襤褸衣衫墊角巾萬點落花俱是  
恨滿杯明月卽忘貧香燈不起維摩病櫻筍難消穀



雨春鏡裏自看成一咲半生傀儡局中人

其六

平康巷陌倦遊人狼籍桃花中酒身短夢風煙千里  
蝶多情絃索一牀塵黃金誰買長門賦黛筆難描滿  
額顰惟有所歡知此意對燒高燭送殘春

其七

自怨迂疎更自憐焚香掃榻枕書眠蘇秦捫頰猶存  
舌趙壹探囊已沒錢滿腹有文難罵鬼措身無地反  
憂天多愁多恨多傷壽且酌深杯看月圓

其八

踏遍迴廊細自籌騰騰無語重低頭四更中酒半牀  
病三月傷春滿鏡愁白面書生空鵬賦黃金遊客賸  
貂裘年來踪跡尤飄泊飛葉僧房細雨舟

其九

盡恠趨蹌揔不能自知才命兩無憑難尋萱草酬知  
已且摘蓮花供聖僧兩字功名成蝶夢百年蔬水曲  
吾肱盡嘗世味猶存舌茶薺隨緣敢愛憎

其十



造物元來最忌名太平又合老無能交游零落綈袍  
冷風雪飄颻瓦罐冰二頃未謀田負郭一餐隨分欲  
依僧醉時試倩家人道消盡粗疎氣未曾

又漫興

十首

戒菴老人漫筆云吾伯虎漫興十首余見其親筆行書者兩處互有不同想隨意點竄未有定者因竝錄之

十載鉛華夢一場都將心事付滄浪內園歌舞黃金  
盡南國飄零白髮長髀裏肉生悲老大斗間星暗誤  
文章不才剩得腰堪把病對緋桃檢藥方

其二

此生其分老吳閭寵辱都無剩有狂秋榜才名標策  
一春風絃管醉千場跣趺說法蒲團軟鞋韞尋芳杏  
酪香只此便爲吾事了孔明何必起南陽

其三

久遭名累怨青衿不變貧交託素歆去日苦多休檢  
曆知音諒少莫修琴平康驢背馱殘醉穀雨花壇費  
朗吟老向酒杯棊局畔此生其分不其心

其四



唐何夔文集卷之一  
五  
俛俛莫怪少時年百丈游絲易惹牽社曲梨花盃上  
雪灞陵芳草夢中烟前程兩袖黃金淚公案三生白  
骨禪老後思量應不悔衲衣持鉢院門前

其五

龍頭濫厠棘園文艸榻今眠墊跡塵萬點落花俱是  
恨滿杯明月卽忘貧香燈不起維摩疾櫻笋難酬穀  
雨春鏡裏自看成老大戲兒棚上下場人

其六

平康巷陌倦遊人狼籍曉乾酒身短夢風烟千里

笛多情絃索一牀塵黃金誰買長門賦黛筆空描滿  
額顰惟有所歡知此意共燒高燭賞餘春

其七

落魄迂疎自可憐棋爲日月酒爲季蘇秦捫頰猶存  
舌趙壹傾囊已沒錢滿腹有文難罵鬼措身無地反  
憂天多愁多感多傷壽且酌深杯看月圓

其八

擁鼻行吟水上樓不堪重數少年游四更中酒半牀  
病三月傷春滿鏡愁白面書生期馬革黃金遊客騰



貂裘近來檢校行藏處飛葉僧房細雨舟

其九

謝遣歌兒解臂鷹半瓢詩稿一枝藤難尋萱州酬知  
已且摘蓮花供聖僧時事百年蝸角戰酒杯三月鳳  
頭燈盡嘗世味猶存舌茶齋隨緣敢愛憎

其十

造物何曾苦忌名太平端合老無能親知散去綈袍  
冷風雪欺貧瓦罐冰二頃未謀田負郭一餐隨分欲  
醉時還信家人道消盡英雄氣未曾

花月詩十首

花香月色兩相宜惜月憐花臥轉遲月落漫憑花送  
酒花殘還有月催詩隔花窺月無多影帶月看花別  
樣姿多少花前月下客季季和月醉花枝

月臨花鏡影交加花自芳菲月自華愛月眠遲花尚  
吐看花起早月方斜長空影落花迎月深院人歸月  
伴花羨卻人間花月意撚花翫月醉流霞

春宵花月值千金愛此花香與月陰月愛花香春宋  
宋花羞月色夜沈沈杯邀月飲臨花醉手弄花枝對



月吟明月易虧花易老月中莫負賞花心

花開爛熳月光華月思花情共一家月爲照花來院  
落花因隨月上牕紗十分皓色花輪月一徑幽香月  
讓花花月世間稱二絕傍花賞月酒須賒

有花無月恨茫茫有月無花恨轉長花美似人臨月  
鏡月明如水照花香拖筇月下尋花步攜酒花弄對  
月嘗如此好花如此月莫將花月作尋常

一庭花月正春宵花氣芬芳月正饒風動花枝探月  
影天開月鏡照花妖月中慢擊催花鼓花下輕傳弄

月簫只恐月沈花落後月臺花樹兩簫條

高臺明月照花枝對月看花有所思今夜月明花好  
處去季花病月昏時飲杯酬月澆花酒做首評花詠  
月詩沈醉會吟花下月只愁花月照人痴

春花櫛月本相宜月競光華花競姿花發月中香滿  
樹月籠花外影交枝梅花月落江南夢桂月花傳郢  
北詞花卻何情月何意我隨花月沉金卮

月轉東墻花影重花迎月魄若爲容多情月照花間  
露解語花搖月下風雲破月窺花好處夜深花睡月



明中人生幾度花和月月色花香處處同  
花正開時月正明花如羅綺月如銀溶溶月裏花千  
朵燦燦花前月一輪月下幾般花意思花弄多少月  
精神待看月缺花殘夜愁殺尋花問月人

贈文學朱君別號簡庵詩

居敬以行簡仲尼之所珍易簡合至道乃可臨夫民  
邇來太朴散瑣尾而頑嚚朱君何所見爰以簡自云  
吉人之辭寡長者之情真言寡則可信情真則可親  
皆是簡之要料能體諸身我欲君念茲作詩爲重陳

題畫

六袷檀冠碧玉環倒騎驢子看廬山腰間小榼藏何  
物九轉芙蓉一顆丹

新春作

春來踪跡轉飄蓬多在烟花墅寺中昨日醉連今日  
醉眠燈風接落燈風苦拈險韻邀僧和煖簇薰籠與  
妓烘借問社中諸契友心情可與我相同

一年歌

一年三百六十日春夏秋冬各九十冬寒夏熱最難



唐介尺夕續卷之一  
當寒則如刀熱如炙春三秋九號溫和天氣溫和風  
雨多一年細筭良辰少況又難逢美景和美景良辰  
倘遭遇又有賞心兼樂事不燒高燭照芳樽也是虛  
生在人世古人有言達矣哉直教秉燭夜遊來春宵  
一刻千金價我道千金買不回

### 桃花庵歌

桃花塢裏桃花庵桃花庵裏桃花仙桃花仙人種桃  
樹又摘桃花換酒錢酒醒只來花下坐酒醉還來花  
下眠半醒半醉日復日落花開年復年但願老死

花酒間不願鞠躬車馬奔車塵馬足富者趣酒盞花  
枝貧者緣若將富貴比貧賤一在平地一在天若將  
花酒比車馬他得馳驅我得閒別人咲我忒風騷我  
咲他人看牙不見五陵豪傑墓無酒無花鋤做田  
把酒對月歌

李白前時原有月惟有李白詩能說李白如今已仙  
玉月在青天幾圓缺今人猶歌李白詩明月還如李  
白時我學李白對明月月與李白安能知李白能詩  
復能酒我今百盃復千觥我醜雖無李白才料應月



不嫌我醜我也不登天子船我也不上長安眠姑蘇  
城外一茆屋萬樹桃花月滿天

姑蘇八景詩

天平之山何其高岩岩突兀凌青霄風迴松壑烟濤  
綠飛泉漱石穿平橋千峯萬峯如秉笏峻峻嶒嶒相  
壁立范公祠前映夕暉盤盤翠黛寒雲濕

右天平山

高臺築近姑蘇城千年不改姑蘇名畫棟雕楹結羅  
綺面面青山如翠屏吳姬窈窕稱絕色誰知一咲傾  
人國可憐遺趾俱荒涼空林落日寒煙織

右姑蘇臺

昔傳洲上百花開吳王游樂乘春來落紅亂點溪流  
碧歌喉舞袖相徘徊王孫一去春無主望帝春心歸  
杜宇啼向空山不忍聞淒淒芳草迷烟雨

右百花洲

花開爛熳滿村塢風煙酷似桃源古千林映日鶯亂  
啼萬樹圍春燕雙舞青山寥絕無煙埃劉郎一去不  
復來此中應有避秦者何須遠去尋天台

右桃花塢

繁花漫道當年甚舉目荒涼秋色凜寶琴已斷鳳皇  
吟碧井空留麋鹿飲響屧長廊故幾間於今惟見艸  
班班山頭只有舊時月曾照吳王西子顏

右響屧廊



金閶門外楓橋路萬家月色迷煙霧樵閣更殘角韻  
悲客舫夜半鐘聲度樹色高低混有無山光遠近成  
模糊霜華滿天人怯冷江城欲曙聞啼鳥右寒山寺  
長洲苑內饒春色潑黛巒光翠如濕銀鞍玉勒鬪香  
塵多少遊人此中集薄暮山池風日和燕兒學舞鶯  
調歌當年勝事空陳迹至今遺恨流滄波右長洲苑  
具區浩蕩波無極萬頃湖光淨凝碧青山點點望中  
微寒空倒浸連天白鴟夷一去經千年至今高韻人  
猶傳吳越興亾付流水空留月照洞庭船右洞庭湖

歲朝詩

海日團團生紫煙門聯處處揭紅箋鳩車竹馬兒童  
市椒酒辛盤姊妹筵鬢插梅花人蹴鞠架垂絨線院  
穉千仰天願祝吾皇壽一個蒼生借一年

上寧王

信口吟成四韻詩自家計較說和誰白頭也好簪花  
朶明月難將照酒卮得一日閒無量福做千季調笑  
人癡是非滿目紛紛事問我如何揔不知

題畫



野橋流水晚潮平短杖微吟得得行可是丹楓故相  
調髻絲霜葉映秋明

題洞賓化女人携瓶圖

仙機變幻真難測呂字分明現在哉何事世人皆不  
識尚留餘跡與人猜

題周東邨畫

鯉魚風急繫輕舟兩岸寒山宿雨收一抹斜陽歸鴈  
盡白蘋紅蓼野塘秋

題畫

傍水依山結草廬案頭長貯活人書不知施藥功多  
少仙杏花開錦不如

與祝允明黃雲沈周同賦

列伍分高下盃盤集俊賢五陵通俠逸四姓號神仙  
春月襟期好秋風下射聯遙知文集處伐木有新篇  
其二

泉源深透迤嘉樹亂芳妍地縮武陵脉軒開鬱藍天  
寄情聊舴艦隨手奏觥船別撰遊仙調臨流促管絃

其三



昔聞竹溪逸今見竹溪亭陳跡難題品清風尚典刑  
密叢圍曲砌高節映踈櫺借看應容我西風兩眼青

其四

六尺青苔骨醜躬稱醉眠不勞人荷鋪喜有葉如毡  
白眼西風裏黃花小逕邊嘯聲多伴侶何惜一陶然

又賦

完無利刻古頑蒼名借平泉出贊皇合寘賓筵銘敬  
德從來沫郡戒沉荒屈原特立昭忠節王績冥逃入  
醉鄉付與子孫爲砥礪豈因快適縱虛觴

又

傲吏難容俗客陪對談惟鶴夢惟梅羽衣性野契徧  
合紙帳更寒曉未開長唳九臯風浙浙高眠一枕雪  
皚皚滿腔清思無人定付與詩篇細剪裁

又

萬疊奇峯一片雲纖纖鳥道合還分江山只在晴時  
出笑語傳從別處聞遙望盡疑蛟蜃氣近來每有鹿  
麋羣登臨未擬何時節我欲一探星斗文

咏美人八首



文君琴心

浮生難比草頭塵常把千金視此身若使琴心挑得  
動不知匪石是何人

昭君琵琶

高抱琵琶障冷風淋漓衫袖濕啼紅安邊至用和親  
計駕馭英雄似不同

綠珠守節

飛絮無憑只趁風落花也逐水流東琉璃瓶薄珊瑚  
脆毀不求全妾命同

碧玉留詩

徙倚閒庭淚暗垂不須再讀寄來書已知一代容華  
盡地下相逢未是遲

梅妃嗅香

梅花香滿石榴裙底用頻頻艾納薰仙館已於塵世  
隔此心猶不負東昏

太真玉環

欲與君王共輦還馬嵬路狹轉頭艱早知怨自思萌  
孽悔不當時乞賜環



薛濤戲箋

短長濶狹亂堆床  
勻染輕搥玉色光  
豈是無心勿針  
線要將姓字托文房

鶯鶯待月

閨門出入有常經  
女子常須燭夜行  
待月西廂誰倡  
始至今傳說欠分明

題半身美人 二首

天恣嫵娜十分嬌  
可惜風流半節腰  
却恨畫工無見  
識動人情處不會描

其二

誰將妙筆寫風流  
寫到風流處便休  
記得昔年曾識  
面桃花深處短牆頭

題畫

野菊日爛熳  
秋風隨分開  
寒香與晚色  
消受掌中杯  
又題

題竹

促席坐鳴琴  
寫我平生心  
平生固如此  
松竹諧素音  
修竹當窻白  
日遲山僧出  
定客來時  
欲從節下題詩



句妙在無言不在詩

題沈石田先生後集

先生守硯石爲田水似秋鴻振滿天千首新詩驚醉  
飲一簞脫粟共枯禪移山入眼成青色和雪勞心顯  
白顛自是隨行常捧席故將名姓附餘編

奉壽海航俞先生從德卿解元之請也

七十流年古所稀一經衰晚竟同歸永生藎藎貧能  
樂雪滿柴門世與遠帽上是天隨造化尊中有物任  
真機蕭然掃榻高眠在那管簷前日月飛

五十詩

五十年來髮未華兩朝全盛樂無涯子孫滿眼衣裁  
彩賓客盈門酒當茶煉成金鼎長生藥來看江南破  
臘花誕日何須祝千歲由來千筭比涸沙

花酒

戒爾無貪酒與花纔貪花酒便忘家多因酒浸花心  
動大抵花迷酒性斜酒後看花情不見花前酌酒興  
無涯酒闌花謝黃金盡花不留人酒不賒

早起偶成



唐何遜外集卷之一  
三  
三通鼓角四通雞天漸黎明月漸低時序秋冬復孟  
夏舟車南北與東西眼前次第人都老世上參差事  
不齊若要自家求穩便一壺濁酒一餐齏

聞讀書聲

公子歸來夜雪埋兒童燈火小煎齋人家不必論貧  
富纔有讀書聲便嘉

贈人遊宦

功名何必苦追疑心事從來天可知但得甘棠培植  
好春陰無不寄相思

又

近來岐路莫追疑南北東西未可知但使從前無愧  
責不須去後有人思

詠懷詩二首

鬱鬱梁棟姿落落璠璣器空山歲曆晚冰霰交如至  
朽腐何足論壯哉風雲氣書生空白頭三嘆橫流涕

其二

灌木寒聲集叢篠靜色深冰霜歲聿暮方昭君子心  
射干蔽豫章慨惜自古今嶰谷失黃鐘大雅變正音



爲子酌大斗爲我調鳴琴偃仰草木間世道隨浮沉  
不癡不顛是佛是僊開眼狂走闔眼喫酒北斗須彌  
着境小兒日午夜半打乖老漢

題林酒僊詩後

醉時歌

地水火風成假合合色聲香味觸法世人痴呆認做  
我惹起塵勞如海濶貪嗔癡作殺盜婬貪緣妄想入  
無明無明卽是輪迴始信步將身入火坑朝去求名  
暮求利面詐心欺全不計上床半夜別鞵子方悔昨

來搬鬼戲它來謀我我謀它冤冤報報不曾差一身  
欠債還它債請君啣鐵去拖車種堪愛惜色堪貪他  
家妻子自家男不是冤家頭不聚鐵枷自有愛人擔  
幾番死兮幾番活大夢無憑閒聒聒都是自家心念  
生無念無生卽解脫生死無常繫雙足莫待這番重  
瞑目人身難得法難聞如針拈芥龜鑽木自補衲衣  
求飭喫此道莫推行不得拚却這條窮性命刀山劍  
嶺須經歷數息隨止戒還靜體取無生入真定空山  
落木虎狼中十卷楞嚴親考訂不二法門開鎖鑰烏



龜生毛兔生角諸行無常一切空阿耨多羅大圓覺  
盡入虛空撥因果墮落空見仍遭禍破除有相着空  
魔猶如避溺而投火不有不無皆是錯夢境眼花尋  
下落翻身蹴破斷常坑生滅滅兮寂滅樂

醉時所歌醒忘之矣生有所得死失之矣大  
觀之士能同醉醒合死生而一之此作歌之  
本旨也弘治乙丑唐寅呈浮觀先生請教

### 題畫

空山絕人跡闐寂如隔世泉頭自趺坐鵲聲出楓樹

### 百忍歌

百忍歌百忍歌人生不忍將奈何我今與汝歌百忍  
汝當拍手咲呵呵朝也忍暮也忍耻也忍辱也忍苦  
也忍痛也忍饑也忍寒也忍欺也忍怒也忍是也忍  
非也忍方寸之間當自省道人何處未歸來癡雲隔  
斷須彌頂脚尖踢出一字關萬里西風吹月影天風  
泠泠山月白分明照破無爲鏡心花散性地穩得到  
此時夢初醒君不見如來割身痛也忍孔子絕糧饑  
也忍韓信跨下辱也忍閔子單衣寒也忍師德唾面  
羞也忍劉寬汚衣怒也忍不疑誣金欺也忍張公九



世百般忍好也忍歹也忍都向心頭自思忖囫圇吞  
却粟棘蓬恁時方識真根本

題畫

東崦荷花西崦菱大船漁網小船罾我儂住處真堪  
畫借問傍人到未曾

烏桕經霜葉已紅東南樓閣足秋風畫成此景還堪  
詠練在先生短句中

黃葉山家曉會琴斜陽流水路陰陰東西茅屋鷄豚  
社氣象粗疎有古心

戲題機山

無絲無線又無繩何故當時有此名楊柳作經青錯  
落薜蘿爲緯綠縱橫黃鸝擲過金梭小紫燕裁來鐵  
剪輕一抹晚霞斜掛處恍疑新織綺羅成

對菊

天上秋風發巖前菊蕊黃主人持酒看漫飲吸清香

秋日山居

日長深閉草廬眠蓆下猶餘紙裏錢點檢鷄栖牢縛  
草夜來有虎飲山泉



爲培芝俞君題

一片芝田手自耕  
重臺燁燁起金莖  
摘來合作延年藥  
跨取胎禽上玉清

寄妓

相思兩地望迢迢  
清淚臨風落布袍  
楊柳曉烟情緒亂  
梨花暮雨夢魂銷  
雲籠楚館虛金屋  
鳳入巫山奏玉簫  
明日河橋重回首  
月明千里故人遙

蒲劍

三尺青青太古阿  
舞風砢砢一川波  
長橋有影蛟龍

懼江水無聲  
日夜磨兩岸  
帶烟生殺氣  
五更彈雨和漁歌  
秋來只恐西風惡  
削破鋒稜恨轉多

和沈石田落花詩三十首

今朝春比昨朝春  
北阮畚成南阮貧  
借問牧童應沒酒  
試嘗梅子又生仁  
六如偈送錢塘妾  
八斗才逢洛水神  
多少好花空落盡  
不曾遇着賞花人

其二

夕陽芳草笛悠悠  
春事驚看又轉頭  
浙瀝風光搖草樹  
驂驪時節逐川流  
臨堦忍數脂千片  
遶樹空煩繡



半鈎九十繁華換脫手多情又作一番愁

其三

忍把殘紅掃作堆紛紛雨裏毀垣頽蛤蚧上市驚新  
味鷓鴣催人再洗杯肯唱驪歌送春去悔教羯鼓徹  
明催爛開賺我平添老知到年來可爛開

其四

能賦相如已倦遊傷春杜甫不禁愁頭扶殘醉方中  
酒面對飛花怕倚樓萬片風飄難割舍五更人起可  
能留妍媸雙脚撩天去千古茫茫土一丘

其五

芒鞋布襪罷春遊粉蝶黃蜂各自愁池面風迴公族  
聚陌頭人散鞠塲休膠黏日月無長策酒對荼蘼有  
近憂蘇小堤頭試翹首碧雲暮合隔紅樓

其六

溪水東流日轉西杏花零落草萋迷山翁旣醒依然  
醉野鳥如歌復似啼六代寢陵埋國媛五侯車馬闐  
家娛隣東謝卻看花伴陌上無心手共携

其七



春歸不得駐須臾花落寧知剩有無  
新草漫侵天際綠衰顏又改鏡中朱  
映門未遇偷香掾墮溷畚成逐臭夫  
無限傷心多少淚朝來枕上眼應枯

其八

蟄燕還巢未定時山翁散社醉扶兒  
紛紛花事成無賴默默春心怨所私  
雙臉臙脂開北地三更風雨葬西施  
匡牀自拂眠清晝一縷茶烟颺髮絲

其九

春盡愁中與病中花枝遭雨又遭風  
鬢邊舊白添新

白樹底深紅換淺紅漏刻已隨香篆了  
錢囊甘爲酒榼空向來行樂東城畔  
青草池塘亂活東

其十

崔徽自寫鏡中真洛水誰傳賦裏神  
節序推移比彈指鉛華狼藉又辭春  
紅顏仙蛻三生骨紫陌香銷一丈塵  
遶樹百迴心語口明年勾管是何人

其十一

簇簇雙攢出親眉淹淹獨立曲欄時  
千年青塚空埋怨重到玄都好賦詩  
瓦竈酒香燒柿葉盡梁燈暗落



塵絲尋芳了却今年債又見成陰子滿枝

其十二

花開共賞物華新花謝同悲行跡塵可惜錯拋傾國  
色無緣逢著買金人澗澗愛水衫前淚渺渺遊魂樹  
底春一翳悲歡因色相欲從調御懺癡嗔

其十三

天涯曉溼碧雲橫春社園林紫燕輕桃葉參差誰問  
渡杏花零落憶題名日高蘚雜蝸黏壁雨過鶯啼葉  
滿城邀得大堤諸女伴踏歌何處和盈盈

其十四

節當寒食半陰晴花與蜉蝣共死生白日急隨流水  
去青鞋空作踏莎行收燈院落雙飛燕細雨樓臺獨  
轉鶯休向東風訴恩怨自來春夢不分明

其十五

紅塵拂面望春門綠草齊腰金谷園鶴篆遍書苔滿  
徑犬聲遙在月明村春風院院深籠鎖細雨紛紛欲  
斷魂拾得殘紅忍拋却阿咸頭上伴銀旂

其十六



唐伯虎詩集卷之一  
十五  
春來赤赤去匆匆刺眼繁華轉眼空杏子單衫初脫  
暖梨花深院自多風燒燈坐惜千金夜對酒空思一  
點紅倘是東君問魚鴈心情說在雨聲中

其十七

舊酒新啼滿袖痕憐香惜玉竟難存鏡中紅粉春風  
面燭下銀屏夜雨軒犇月已憑丹換骨墜樓端把死  
酌恩長洲日暮生芳草銷盡江淹黯黯魂

其十八

嗚嗚曉角起春城巧作東風撼地聲燈照檐花開且

落鴉棲庭樹集還驚紅顏不爲琴心駐綠酒休辭盞  
面盈默對粧匳閑自較髮絲又笑一年羸

其十九

萬紫千紅莫漫誇今朝粉蝶過隣家昭君偏遇毛延  
壽高頰不憐張麗華深院青春空自鎖平原紅日又  
西斜小橋流水閑村落不見啼鶯有吠蛙

其二十

滿堂歡笑強相陪別有愁腸日九迴時序又驚梁燕  
乳年華偏愛隙駒催香銷花帶傷腰瘦夢斷遼陽沒



唐何遜文綺卷之一  
信來門掩黃昏花落盡牛酥且薦掌中栝

其二十一

貌嬌命薄兩難全鶯老花殘謝世緣  
年老盧姬悲晚嫁日高黃鳥喚春眠  
人生自古稀七十斗酒何論價  
十千痛惜穠纖又遲暮好燒銀燭覆觥船

其二十二

花落花開總屬春開時休羨落休嗔  
好知青草骷髏塚就是紅樓掩面人  
山屐已教休汎蠟柴車從此不須巾  
僊塵佛劫同歸盡墜處何須論廁茵

其二十三

亞字城邊麋鹿臺春深情況轉幽哉  
襖衣玉貌乘風去對酒蓬窓帶雨堆  
結子桃花如雨落挾雌蝴蝶過  
墻來江南多少閑庭館朱戶依然鎖綠苔

其二十四

桃谿李徑謝春榮斗酒芳心與夜爭  
陌上新楊麴塵暗墻頭圓月玉盤傾  
青帘巷陌無行跡繡褶腰肢覺瘦生  
莫道無情何必爾自緣我輩正鍾情

其二十五



唐仙外集卷之一  
十一  
惻惻悽悽憂自憺花枝零落髮絲添週遮燕語春三  
月蕩樣波紋日半簾病酒不堪朝轉劇聽風且喜晚  
來恬綠楊影裏蒼苔上爲惜殘紅手自拈

其二十六

楊柳樓頭月半規笙歌院裏夜深時花枝的的難長  
好漏水丁丁不肯遲金釧袖籠新藕滑翠眉陰暎小  
蛾垂風情多少愁多少百結愁腸說與誰

其二十七

春朝何處默凭欄庭草驚看露已團花併淚絲飛點

點絮飛眼纈望漫漫書當無意開孤憤帶有何心縮  
合歡且喜殘叢猶自在好隨修竹報平安

其二十八

桃花淨盡杏花空開落年年約畧同自是節臨三月  
暮何須人恨五更風撲簷直破簾衣碧上砌如欺地  
錦紅拾向研羅方帕裏鴛鴦一對正當中

其二十九

春夢三更鴈影過香泥一尺馬蹄前難將灰酒懽新  
愛只有香囊報可憐深院料應花似霰長門愁鎖日



如年憑誰對卻閑桃李說與悲歡石上緣

其三十一

花朶憑風着意吹春光棄我竟如遺五更飛夢環巫  
峽九畹招魂費楚辭衰老形骸無昔日凋零草木有  
榮時和詩三十愁千萬此意東君知不知

招辭

帝命十巫操不死之藥以禦尸氣上下於  
天以招遊魂有鰥在野魂逞不返乃作歌  
以招之其辭曰

魂憧憧兮往來叶湖之浦兮江之湄草綠兮鳥啼叶

王孫兮哀悲桂子開兮白露團小山嶺兮泉水寒魂

何之兮江之干木搖落兮風聲酸坎坎兮伐檀蹲蹲

兮舞盤鋪乾兮酒旨賓既具兮樂序女奴紛進兮童

隸沓語夜淹淹兮香炬懸都梁兮焚白芷魂來歆兮

勿他處東鉅人兮西工共北相柳兮南燭融惟魂之

肝是啖兮簡魂之胷魂往將不爾利兮百妖是逢白

豹嗥兮黃猿嘶從雙鳥兮駕文狸瀟之湘兮江之渚

採白蘋兮樂容與木上繒兮燈下鼓魂來樂兮吾與



唐何陋文編卷之一  
十九  
汝風雨兮鷄鳴露華兮月明綠草兮白蘋日落兮潮  
平惟魂是樂兮是榮亂曰多樂無悲魂亟歸且外有  
諸妖魂亟避且四方上下不可居且樽酒二簋來歆  
饗且 右輓長洲沈屢

默坐自省歌

焚香默坐自省已口裏喃喃道心裏心中有甚陷人  
謀口中有甚欺心語爲人能把口應心孝弟忠信從  
此始其餘小德或出入焉能磨涅吾行止頭插花枝  
手把盃聽罷歌童着舞女食色性也古人言今人乃

以之爲耻及至心中與口中多少欺人滅天理陰爲  
不善陽掩之則何益矣徒勞耳請坐試聽吾語汝凡  
人有生必有死死見閻公面不紅才是堂堂好男子

題畫 四首

野店桃花萬樹低春光多在畫橋西幽人自得尋芳  
興馬背詩成路欲迷

峯前千澗玉潺潺落日層層樹裏山一段勝情誰領  
畧幽人虛閣俯滄灣

天風縹緲約飛泉千尺晴虹拂紫烟遙見樹林車暫



息高蟠潛石與盤桓

飛雪蔽空無鳥迹長山顛壑有人居浩然天地知誰  
坐酌酒敵寒猶讀書

題畫 四首

女几山前春雪消路傍僊杏發柔條心期此日來游  
賞載酒携琴過野橋

樹合泉頭圍綠蔭屋橫礪上結黃茅日長來此消閑  
與一局楸棋對手敲

網上西風得四腮清齋準擬搗菘開詩腸忽作乾枯

崇又使溪丁換酒來

寒雪朝來戰朔風萬山開遍玉芙蓉酒深尚覺氷生  
脚何事溪橋有客踪

題畫 四首

李白才名天下奇開元人主最相知夜郎不免長流  
去今日書生敢望誰

春和坊裡李端端信是能行白牡丹誰道楊州金滿  
市胭脂到處屬窮酸

信宿因緣逆旅中短詞聊爾識泥鴻當時我作陶承



唐伯成外紀卷之一  
三十一  
旨何必尊前面發紅

蘇州刺史白尚書病骨蕭條酒盞踈到老楊枝亦辭  
去張娟李態竟何如

嘆世 六首

一寸光陰不暫拋徒爲百計苦虛勞觀生如客豈能  
久信死有期安可逃綠鬢易凋愁漸改黃金雖富鑄  
難牢從今莫看惺惺眼沉醉何妨枕麪糟

其二

舉世不忘渾不了寄身誰識等浮漚謀生盡作千年

討公道還當一死休西下夕陽難把手東流逝水絕  
回頭世人不解蒼天意空使身心夜半愁

其三

坐對黃花舉一觴醒時還憶醉時狂丹砂豈是千年  
藥白日難消兩鬢霜身後碑銘徒自好眼前傀儡任  
渠忙追思浮世真成夢到底終須有散塲

其四

忙忙展枕逐鷄棲碌碌梳頭鷄又啼傀儡一棚真是  
假髑髏滿眼笑他迷昨朝青鬢今朝雪方始黃金又



唐仙苑外紀卷之一  
始泥幸有一杯酌見在有詩還向醉時題

其五

人生在世數蜉蝣轉眼烏頭換白頭百歲光陰能有  
幾一張假鈔沒來由當年孔聖今何在昔日蕭曹盡  
已休遇飲酒時須飲酒青山偏會笑人愁

其六

萬事由天莫強求何須苦苦用機謀飽食三飯常知  
足得一帆風便可收生事事生何日了害人人害幾  
時休冤家宜解不宜結各自回頭看後頭

題畫

水色山光明几上松陰竹影度窓前焚香對坐渾無  
事自與詩書結靜緣

山隱幽居草木深鳥啼花落畫沉沉行人杖履多迷  
路不是書聲何處尋

山家見菊

白雲紅葉襯殘霞携酒看山日未斜黃菊預迎重九  
節短籬先放兩三花喜看嫩葉缺二字面笑折新苞插  
鬢了可惜國香人不識却教開向野翁家



題畫

騎驢八月下藍關借宿南州白塔灣壁上殘燈千里  
夢月中飛葉四更山

題畫

龜月攀僊桂春風看杏花一朝欣得意聯步上京華  
席上贈王履吉

我觀古昔之英雄慷慨然諾杯酒中義重生輕死知  
已所以與人成大功我觀今日之才彥交不以心惟  
以面面前斟酒酒未寒面未變時心已變區區已作

老村庄英雄才彥不敢當但恨今人不如古高歌伐  
木天滄浪感君呼我爲奇士又言天下無相似庸庸  
碌碌我何爲有酒與君斟酌之

齊雲巖縱目

搖落郊園九月餘秋山今日喜登初霜林着色皆成  
畫鴈字排空半草書麴蘗才交情誼厚孔方兄與往  
來踈塞翁得失渾無累胃次悠然覺靜虛

題畫

綠水紅橋夾杏花數間茅屋似僊家主人莫拒看花



唐伯虎詩集卷之一  
客囊有青錢酒不賒

萬仞芝山接太虛一萍泓水繞吾廬日長全賴棋消  
遣計取輸贏賭買魚

紅樹中間飛白雲黃茆眼底界斜曛此中大有逍遙  
處難說與君盡與君

雪滿梁園飛鳥稀煖煨搯拙閉柴扉瓦盆熟得松花  
酒剛是溪丁拾蟹歸

白燕

驚見玄禽故態非霜翎玉骨世應稀越裳雉尾姬眉

化瀚海烏頭漢使歸悞入梨花惟聽語輕沾柳絮欲  
添衣朱簾不隔揚州路任爾差池上下飛

友竹錢君之長器成訓顏其齋曰培節蓋寄  
意於手澤杯棬之意也偶集吳門金昌亭展  
素索書爲賦四絕

大孝終身慕所天清風高節是家傳春雷又見兒孫  
起繩武森森玉竝肩

何物交君寄夢思庭前綠竹玉千枝瀟瀟葉葉濡春  
雨記得家嚴手植時



高節凌霄表特材  
遺根着意好培栽  
問君何必能如此  
亦是先翁手種來

尊翁仙去跡堪尋  
奚浦塘邊景觸心  
雨露旣濡思慕  
亟一林修竹節森森

戲題

休采花采花蝴蝶飛  
休撲蝶撲蝶傷花枝  
娟娟戲雙蝶臨風對花  
不忍折君似蝶妾似花  
花開能幾日蝴蝶過西家

聞江聲

歲事匆匆兩鬢星  
坐看簷影下虛屏  
寒梅向暖商量  
白舊草迎春接續青  
夢似俗牽終夜惡  
酒因愁敵片時  
新秦山暮雪巴山雨  
不似江聲不柰聽

尋花

偶隨流水到花邊  
便覺心情似昔年  
春色自來皆夢裏  
人生何必盡尊前  
平原席上三千客  
金谷園中百萬錢  
俛仰繁華是陳迹  
野花啼鳥謾留連

題畫

太湖西岸景蕭疎  
竹外山旋碧玉螺  
明月一天風滿



地爽人秋意不須多

顧君滿考張西溪索詩餞之故爲賦此

渺渺平蕪接遠津匆匆行李送行人三年幕下勞王  
事十月江南應小春收攝琴尊登梓道好將詞賦獻  
楓宸功名發軔青雲路長願存心在澤民

伯虎絕筆

生在陽間有散場死歸地府也何妨陽間地府俱相  
似只當漂流在異鄉

題美人圖

春色關心萬種情酒杯聊寞可憐生折花比對佳人  
面把臂相看覺命輕

題畫

潦淨泉聲溢秋高木影踈天涯來旅鴈江上有鱸魚

七十詞

八年七十古稀我年七十爲奇前十年幼小後十年  
衰老中間止有五十年一半又在夜裡過了笑來止  
有二十五年在世受盡多少奔波煩惱

感懷



唐伯虎外編卷之一  
不煉金丹不坐禪  
饑來喫飯倦來眠  
生涯畫筆兼詩  
筆踪跡花邊與柳邊  
鏡裡形骸春共老  
燈前夫婦月  
同圓萬場快樂千場醉  
世上閒人地上僊

嘅歌行

嘅東南之原嗟西北之阡  
廢田爲丘廢丘爲田翻兮  
覆兮倏焉忽焉一犁春雨  
今朝隴一杯黃土明朝塚  
塚前松栢身依依隴頭禾黍  
還離離阡之南兮阡之  
北原之東兮原之西誰得之  
誰失之今來古往物換  
人非智者狡兮愚者痴  
強者畏兮弱可欺富連阡兮

累陌貧無地兮卓錫千年之田  
八百其主百歲之人  
七十者稀總然席捲吾與汝  
借與眼看能幾時豈不見  
挽長弓揮短鎬挽長戈操短戟  
投鞭絕流麾兵赤壁志小鴻溝  
眼高絕域又不見樓上樓屋上屋  
置黃金藏白玉紫標身紅腐粟錦帳  
五十里胡椒八百斛貴爲萬戶侯  
富食千鍾祿英雄富貴安在哉  
北邙山下俱塵埃

題畫

祇爲憐春色新紅折一枝  
餘香盈翠袖偏惹蝶蜂隨



題畫

山意從龍釀早寒數家茆屋是漁灘  
分明茗雪溪頭路何日歸家買木蘭

野店桃花紅粉姿陌頭楊柳綠烟絲  
不因送客東城去過却春光總不知

草閣唵秋倚晚晴雲山滿目夕陽明  
詩成喜有相過客識取漁梁拄杖聲

江南春盡野花稀綠樹陰陰結夏幃  
詩在浩然驢背上按鞭徐咏夕陽歸

棧道連雲勢欲傾征人其柰旅魂驚  
莫言此地崎嶇甚世上風波更不平

題畫

松間草閣倚巖開閣下幽花遶露臺  
誰叩荆扉驚鶴夢月明千里故人來

贈壽

滄海黃金闕蓬萊白玉樓僊遊騎鶴背  
天遣戴鰲頭潮汐無時定簾櫳總架浮  
乘桴羨高踏試問幾添壽

題畫



山廻水抱獨住路深樹密迷家有客隔林借問鷺禽  
蹴落藤花

贈徐昌國

書籍不如錢一囊少年何苦擅文章十年掩髣青衫  
做八口啼饑白稻荒草閣續經冰滿硯布衾棲夢月  
登牀三千好獻東方牘來伴山人讚法王

題畫

萬木號風疑虎吼  
泉驚雨挾龍飛  
世疑龍虎難馴  
擾却許山人擅指揮

三板杪船策不如隨風漂泊住  
清渠游僊拋却絲綸  
坐只爲消閑不爲魚

晃漾金銀梵殿開  
箭森杉榆隔紛埃  
只容逋客騎驢  
到不許朝官引騎來

秋老芙蓉一夜霜  
月光瀲灩蕩湖光  
漁翁穩作船頭  
睡夢入鮫宮白渺茫



東林寺前三峽橋山泉洶湧水波濤當年到此曾携  
手寒色今猶滿布袍

騎犢歸來澆葑田角端輕掛漢編年無人解得悠悠  
意行過松陰懶着鞭

雪滿空山曉會琴聳肩驢背自長吟乾坤千古興亡  
跡公是公非總陸沉

雪滿梁園誰解賦當時只數語僊才山翁要省千年  
事分付家丁買酒杯

題東莊園

落葉風中稻滿塲平疇相對濃東莊膏腴望望應千  
頃滿地黃金下夕陽

題自畫守耕園

南山之麓上腴田嘗守犁鋤業不遷昨日三山降除  
目長沮同拜地行僊

陰雨浹旬厨烟不繼滌硯吮筆蕭條若僧因  
題絕句八首奉寄孫恩和

十朝風雨苦昏迷八口妻孥併告饑信是老天  
我無人來買扇頭詩



書畫詩文總不工偶然生計寓其中肯嫌斗粟囊錢  
少也濟先生一日窮

抱膝騰騰一卷書衣無重楮食無魚傍人笑我謀生  
拙拙在謀生樂有餘

白板明扉紅槿籬比隣鵝鳥對妻兒天然興趣難摸  
寫三日無雨不覺饑

領解皇都第一名唱波歸臥舊茅棚立錐莫笑無餘

地萬里江山筆下生張清文抄本節錄五首其三首